


博古圖

雜
13
4冊內

四七

202
● 1
5



重修宣和博古圖錄卷第十二

瓶壺總說

瓶 三器

周 一器

蟠螭瓶

漢 二器

麟瓶

螭首瓶

博古圖

卷十二

乙

壺一

二十五器

商

三器

貫耳弓壺

銘一字

斂姬壺

銘五字

蟠夔壺

周

一十八器

仲丁壺

銘三十七字

觚稜壺

百獸圖壺

貫耳壺一

貫耳壺二

貫耳壺三

貫耳壺四

貫耳壺五

饕餮方壺

盤雲壺

三耳壺

交螭雲雷壺

螭首方壺

鸚耳雷紋壺

三螭壺

雷紋螭首挈壺

四鸚壺蓋

漢

五器

太官壺

銘三十二字

綏和壺

銘四十二字

雙鹿壺

鳧壺

瓠壺

總說

禮器之設壺居一焉在夏商之時總曰尊彝
逮于周監二代則損益大備故烝嘗饋獻凡
用兩壺次於尊彝用於門內然壺用雖一而
方圓有異故燕禮與夫大射卿大夫則皆用
圓壺以其大夫尊之所有事示爲臣者有直
方之義故用方以其士旅食卑之所有事示
爲士者以順命爲宜故用圓壺之方圓蓋見

於此至於聘禮梁在北而八壺南陳梁在西而六壺東陳蓋東蠢以動出而有接南假以大顯而文明乃動而應物以相見之時也以壺爲設豈不宜哉且詩言韓侯取妻亦曰清酒百壺壺非特宗廟之器凡燕射昏聘無適而不用焉故其制度銘刻不一蓋自三代以來禮不相襲迄于秦漢去古既久而制作愈失故有刻木繪漆皆出諸儒一時之臆論夫尊以壺爲下蓋盛酒之器而瓶者亦用之以盛酒者也此周人有瓶之罄矣之詩然後知瓶亦古人之所用者然其字從瓦所以貴其質而此皆以銅復作螭麟鸚鵡之飾蓋古人大體至漢蓋雕鏤矣然賈至稱漢雜三代之政而王通亦謂捨兩漢安之則制作有出於此者宜亦可觀也已

周蟠螭瓶



右高一尺八分深一尺一分口徑一寸七分
容四升八合重六斤無銘蓋瓶之爲用久矣
易言羸其瓶詩曰瓶之罄矣是也腹作蟠螭
首尾糾結形若鱗瓶之狀周有一壺其著象
亦蛟螭此瓶也其飾如此亦以壺類故也

漢
鱗
瓶



右高八寸六分深七寸五分口徑九分容一
升八合重三斤四兩有蓋無銘書曰左右攜
僕韓子曰供給之人各執其物此古提攜供
給之器也走趨雖遽滿而不溢口兼流用坐
無繁飾周身甲錯若麒麟然蓋炎漢已來物
也

漢螭首瓶



右高七寸二分深七寸口徑八分容一升三
合重一斤十兩有流無銘是器純素唯流作
螭首昔人飲器多取螭爲飾蓋君子之於酒
交之以仁制之以威者凡欲如此然製作浮
薄而無古意視三代之器未可同日而語也

商賈耳弓壺





弓

右高一尺一寸八分深一尺五分口徑長三寸七分闊四寸五分腹徑長八寸九分闊七寸五分容一斗二升重十有二斤八兩兩耳此器以弓銘之壺酒之下尊也商之飲器如爵者類銘之弓蓋射者未嘗不繼之飲以其禮難所以強世者也故必寓於人情之所易此記禮者之於鄉飲以謂吾觀於鄉則知王道之易易者其在是歟觀其兩耳可以貫繩



欽姬作
寶彝

右通蓋高一尺四寸六分深一尺一寸五分
口徑二寸八分腹徑四寸四分容五升四合

共重五斤四兩兩耳銘五字曰攸姬者蓋其
 氏族也古之氏族或以王父字或以謚或以
 世系所封之地於是後世子孫以之女子皆
 得以通稱之若曰有娥氏之女者蓋以娥國
 爲言也若曰孟姜者蓋以姜姓爲言也若曰
 絲女者蓋以絲公之謚爲言也此言攸姬凡
 此類耳是器則壺也制樣典古略不加雕鏤
 之飾而曰作寶彝真所謂法度之器也

商蟠夔壺



右高一尺四寸二分深一尺二寸三分口徑
長五寸濶三寸五分腹徑長九寸二分闊五
寸五分容一斗五升五合重十六斤十有五
兩兩耳連環無銘腹作蟠夔勢若飛動比商
甲壺設飾少異而體制頗同渾厚之風昭然
可見

周仲丁壺





推六月初吉丁亥
 召仲丁父自作壺
 用祀用饗多福滂
 用斲眉壽萬
 年無疆子子孫孫
 永寶是尚

右高一尺五寸二分深一尺三寸四分口徑
 七寸七分腹徑一尺一寸一分容二斗有半
 重二十一斤十有二兩兩耳連環銘三十七
 字小篆壺字壺上爲蓋中爲耳下爲足正皆
 象形而此金字其省文更奇體類大篆年已
 加千周宣已後物也召仲丁雖無見於傳記
 然周有召伯召虎最爲聞家令姓豈其功臣
 之世賢者之類耶而文曰用祀用饗多福滂

語極典古周禮朝踐用兩壺尊周祀之謂也
左傳周景王燕晉文伯尊以魯壺用饗之謂
也許慎曰渥衍沛滂言多福與渥澤也坊記
有曰恭則用祭器故知此壺之設祀饗兼用
也是器耳為饗饗紋結蟲獸此周器之重大
完好者也

周觚稜壺



右高一尺六寸八分深一尺四寸八分口徑
長五寸四分闊四寸三分腹徑長八寸八分
闊六寸五分容三斗二升二合重二十五斤
十有四兩兩耳連環有鼻無銘嘗觀漢方壺
數品皆澆薄凡陋此器渾厚端雅體方而觚
稜四出腹著饕餮間以夔龍郁郁之文焜耀
人目益知後世淳風掃地而不能仿佛周之
萬一也

周百獸圖壺



右高一尺六寸五分深一尺四寸五分口徑
五寸八分腹徑一尺二寸八分容四斗二升
重二十二斤有半兩耳連環無銘是器紋鏤
如縈絲髮諦視之則百獸形也兩耳挾腹復
作獸首齧環爲挈提之具純緣作垂花足間
實以穉草考他器所飾奇巧無過于是壺者
雖曰周物亦出乎其類耳

周貫耳壺一



周貫耳壺二



周貫耳壺三



周貫耳壺四



商貫耳壺五



第一器高一尺一寸三分深九寸七分口徑長五寸二分闊四寸二分腹徑長七寸七分闊五寸六分容八升有半重七斤十有二兩兩耳無銘

第二器高一尺一分深八寸八分口徑長四寸八分闊四寸腹徑長七寸闊五寸三分容六升七合重四斤二兩兩耳無銘

第三器高一尺一寸五分深一尺口徑長五


寸二分闊四寸腹徑長八寸一分闊五寸六分容八升有半重五斤十有五兩兩耳無銘

第四器高一尺九分深九寸六分口徑長四寸九分闊三寸六分腹徑長七寸四分闊五寸五分容七升二合重七斤二兩兩耳無銘

第五器高一尺一寸三分深九寸八分口徑長五寸闊四寸三分腹徑長七寸五分闊五寸八分容九升重八斤兩耳無銘

右五器皆兩耳通貫上下可繫以挈而其為
 耳之形制則稍異或飾之以夔首或著之以
 角獸或聳起作饗饗之狀或通上下蹙為獸
 面然中空均可以貫繩而腹足間類飾以雲
 雷饗饗文鏤精巧寔周物也

周饗饗方壺






右通蓋高一尺六分深六寸七分口徑二寸一分腹徑八寸八分容四升共重六斤一兩有提梁無銘古者用壺亞於尊彝雖爲用則一而其制則有方圓之異此方壺者蓋燕禮與大射卿大夫所用器也以其卿大夫臣子所用之器故示以直方之理觀其形制若卣而周身爲饗饗間以雲雷必周之器也

周盤雲壺



右高一尺一寸六分深一尺一寸口徑三寸
六分腹徑七寸二分容一斗一升重十斤六
兩兩耳連環無銘耳作犧首仰上雙角之間
飾以人首脰足盤雲形制大槩頗類周仲丁
壺非近世規模之所能及也夫飲養陽食養
陰壺所以盛酒養陽之物於是以犧首人首
飾之首者衆陽之所會故也

周三耳壺



右高九寸三分深八寸八分口徑長三寸六分闊二寸腹徑長五寸三分闊三寸二分容三升一合重一斤十有一兩三耳無銘是器壺也其爲用雖一而方圓或異今所藏壺之形制圓者若周之仲丁圓而脩者若周之攸姬方者若漢之獸耳此特體匾而楯三耳純素不加設飾比他壺形制爲小異然比漢器則奇古勝之比周器庶幾近似焉疑晚周之物也

周交螭雲雷壺



右通蓋高一尺六分深九寸八分口徑三寸一分腹徑七寸一分容八升重四斤有半兩耳蓋上連環無銘脰腹飾以交螭間起雲雷旁列三耳昔楊雄言螭虎桓桓而釋者以爲仁威夫壺所以盛酒其用莫急於食饗而食饗者所以仁賓客也至於威則又欲其剛制于酒而不流耳

周螭首方壺



右高一尺二寸二分深一尺一分口徑長四寸九分闊二寸八分腹徑長六寸三分闊三寸二分足徑長六寸四分闊四寸五分容六升五合重九斤四兩耳連環無銘是器土化漬潤溷斑成暈純緣下設螭紋腹介間隱起繚絡形耳爲螭狀各銜圍環然規模典古製作精緻此器比之他壺但方而微匾耳

周鸚耳雷紋壺



右高九寸三分深八寸口徑三寸腹徑六寸
八分容六升三合重三斤一十兩兩耳連環
無銘是器通腹上下作蛟螭糾結之狀錯以
雷紋兩耳爲鸚鵡狀貫之圓環今所藏壺蓋
亦以鸚鵡爲飾昔之記禮者以鸚鵡能言爲
不知禮者之刺是器之設特取此者豈無謂
乎

周三螭壺



右通蓋高一尺四寸二分深一尺二寸一分
口徑五寸五分腹徑一尺四分容三斗一升
二合共重一十三斤十有二兩無銘是器自
蓋頂及脰間皆鏤以蟠螭又別爲三圈飾以
三螭戲珠之狀蓋上設四小圓環仰以著地
則如敦之有會焉中分四體各綴以環爲提
挈之具周官壺氏掌挈壺然致挈者非其環
則不可此壺蓋體皆設四環是其所以爲貫

而挈之之所耳

周雷紋螭首挈壺



右通蓋高三寸六分深二寸六分口徑三寸
容一升三合共重二斤五兩兩耳有提梁無
銘是器圈其足紋以夔龍饗饗周於腹間而
間以雷紋蓋設三環傍貫小連環綴於提梁
之右提梁作方斜文下爲兩螭首以齧其耳
攷其規模與他壺略不相侔然此器製作加
勝歸之周器無疑

周四鸚壺蓋



右高一寸八分四方各三寸七分重一斤二兩無銘四垂隆起作鈿玉古紋交結糾錯雖刻削之所不及旁有四鸚勢若飛動覆之可以爲蓋仰之可以爲足文鏤加勝惜其器之不完頃所藏鸚耳壺兩耳作鸚形義亦取諸此

漢大官壺




大官銅鍾容一斛建
武二十年工伍輿造
考工令史函丞或令
通主太僕監掾蒼省

大官銅鍾容一斛建
武二十年工伍輿造
考工令史函丞或令
通主太僕監掾蒼省

右高一尺五寸五分深一尺三寸口徑五寸
八分腹徑一尺一寸容二斗九升五合重二
十一斤二兩兩耳連環銘三十二字按建武
者漢之年號也東漢之盛惟建武永平號爲
極治而光武之初歲稱建武歷三十一年復
稱建武中元而此口建武者蓋卽位之年號
非建武中元之年也二十年歲在甲辰乃東
夷率衆內附正極治之時自伍輿至蒼省蓋
其工造輿大監掾之姓名耳此器體制類壺
而銘曰鍾者王安石以鍾字從金從重以止
爲體蓋飲無以節之則流而生禍所以銘鍾
者欲其止而不流也蓋壺以取形鍾以示成
故說文以鍾爲酒器其義如之

漢綏和壺



綏和元年供王昌為

湯官造三千鍊銅黃金

壺容二斗重十二斤

八兩塗工乳護級掾

臨主守右丞同守令

寶省

綏和元年供王昌為

湯官造三千鍊銅黃金


壺容二斗重十二斤

八兩塗工乳護級掾

臨主守右丞同守令


寶省

漢雙鹿壺




右高一尺四寸六分深一尺三寸九分口徑
四寸二分容二斗八升三合重才有三斤八
兩兩耳無銘此壺填金作羣龍雙鹿之象而
耳飾獸面此漢壺之工者也

漢鳥壺



右高一尺二寸六分深一尺一寸四分口徑
一寸腹徑七寸八分容六升重三斤八兩無
銘鳥之爲物出入於水而不溺水以況習於
禮者如是也蓋詩人以水譬禮謂水翫之則
溺犯之則濡然則取以飾飲器者蓋以示習
禮之義若夫彝之有舟爵之設戈琖之用棗
雖取理不同亦示其不由於禮則有殘傷覆
溺之患矣古人警其過者大率如此

漢瓠壺



右通蓋長一尺二寸六分闊五寸口徑一寸五分容五升共重四斤六兩兩鼻有提梁無銘範作瓠形螭首爲提束以絢紋嘗謂上古土尊瓦甒而公劉之詩亦曰酌之用匏則瓠壺之制蓋取諸此云

